

դատական տօներէ միջոցին: Նրան ընկերացել է մի ուրիշ գերման դիտնական՝ արեւելագէտ դ-ր Գէորգ Ռոզէն, որ Կ. Պոլսից նոր է եկած եղել Թիֆլիս: Հայերէն նա ուսած է եղել տակաւին Գերմանիայում, պրոֆեսոր Պրտերմանի մօտ, որ իր ժամանակի առաջին հայագէտներից մէկն էր Եւրոպայում:

Թիֆլիս-Երեւան ճամբան Բողենշտէգտ եւ իր ընկերը անցել են Աղստաֆա-Գիւլջան-Ահւան-Ախտա-Էլլար դժով, մասամբ փոստային սայլակով եւ մասամբ էլ ձիով: Ծանապարհին նրանց ընկերացած է եղել ինչ որ «Հայ իշխան» Տ., պետական պաշտօնեայ: Անսալով վերջինիս թախանձադին՝ գերման ճամբորդները Երեւանում նրա տանն են իջեւանել:

Մի կողմ կը թողնենք հեղինակի զուտ ճամբորդական տպաւորութիւնները, ինչպէս նաեւ նրա գրութեան նկարագրական մասը: Գիտական տեսակէտից ներկայիս համար առանձին արժէք չեն ներկայացնում նաեւ նրա դատողութիւնները հայոց պատմութեան եւ մատենագրութեան մասին: Մեզ համար առանձնապէս կարեւոր են եւ ուշագրութեան արժանի, բացի մեր առաջին յօդուածում մէջ բերածներից, հայ երկրի եւ հայ ժողովրդի ներքին պայմաններին վերաբերող կտորները:

«Առաջին տպաւորութիւնը, — ասում է Բողենշտէգտ («Հազար ու մի օր, Ա. 141), — որ եւրոպացի մարդու վրայ դործում է Երեւանը, լաւ անուանել կարելի չէ: Քաղաքի փողոցները սալալատակուած չեն, կեղտոտ են: Տները փոքր են եւ ցածրիկ, այն էլ կաւի պարիսպների ետեւը ծածկուած: Հայաստանի մայրաքաղաքի ամենամեծ փողոցը բաղդատել իսկ կարելի չէ գերմանական ունէ յետ ընկած վայրի ամենափոքր փողոցի հետ անգամ»:

Իրենց հիւրընկալ «Հայ իշխան Տ.ի» տանը Սեւանայ իշխանաձուկը եւ Երեւանի ընտիր գինին վայելուց յետոյ — դանակ-պատառաքաղի, սեղան-աթոռի զործածութիւնը չկար այն ժամանակ — գերման ճամբորդները քաղաք են դուրս գալիս՝ չրջագայելու: Հայ կանայք առանց բացառութեան քողի տակ ծածկւած են չրջելիս եղել:

Ծամբորդները նախ այցելում են մահմեդական մզկիթ: Թիֆլիսից՝ թաթարերէնի ուսուցիչ Միրզա Շաքիրից յանուն մի մոլլայի

բերած յանձնարարական նամակը հնարաւորութիւն է տալիս նրանց մինչեւ իսկ՝ ներկայ գտնուել մզկիթում՝ Ալլի յիշատակին կատարուող ծիսակատարութեանց:

Նոյն օրը եւ եթ Բողենշտէգտ եւ իր ուղեկիցը այցելութեան են գնում Արովեանին, որ եւ այնուհետեւ դառնում է նրանց առաջնորդը: Նրանք միասին լինում են նաեւ քաղաքի բերդապետ զօրական Ֆոն Քիլի մօտ՝ (ազգով գերման) պատմական «Սարդարի պալատում»:

«Այս յարկի տակ էր ասւում, — ասում է Բ., — տակաւին ոչ-չառ տարիներ առաջ, Երեւանի տէր սարդար Հուսէյնը, որին Ֆաթալի-Շահը մուրացկանի վիճակի հասցրեց, եւ որը իր կեանքի վախճանը գտաւ Պարսկաստանում, մի գոմի մէջ: Ռազմագէտ ճամբորդները յաճախ իրաւամբ դարձանք են յայտնել, թէ ինչպէ՛ս է որ Երեւանը գրաւող զօրավար Պասկեւիչը կայսեր կողմից Երեւանցի պատուանուներն է արժանացել, քանի որ զօրար է պատկերացնել աւելի դուրին «հերոսութիւն» պատմութեան մէջ, քան՝ այս քաղաքի առումն: Երեւանի դիրքն ընդհանրապէս եւ նրա ողորմելի բերդինը մասնաւորապէս՝ այնչա՛փ քիչ ռազմադիտական դժուարութիւններ է ներկայացնում, որ նրա գրաւումը պէտք է դասել պատերազմական ամենադիւրին խնդիրների շարքը, նկատի ունենալով մանաւանդ բնակիչների՝ առածի դասն անցած՝ վախկոտութիւնը»:

Այնուհետեւ Բ. տալիս է սարդարի պալատի եւ յատկապէս նրա հայելապատ եւ նկարչազեղ, պարսկական-արեւելեան ոճով կառուցուած մեծ դահլիճի նկարագրութիւնը: Եւ սակայն մարդակերտ ու «տհաս արուեստի» այդ յուշարձանից շատ աւելի գրաւչութիւն է ներկայացրել մեր բանաստեղծ-ճամբորդի աչքում «սոստուածակերտ ամենաքանչիլ յուշարձաններից մէկը, որ Արարիչը երբեւեցէ կանգնել է այս երկրի վրայ»:

Դա՛ Արարատն է, որ իր ողջ վեհութեամբ ցցւում է նրա տեսողութեան առջեւ, սարդարի պալատի պատշգամից: Մասնի նկարագրութեան համար խօսքեր պակսում են անգամ Բողենշտէգտ-բանաստեղծին:

«Ես պէտք է մի ամբողջ հատոր գրէի, — ասում է Բ., — եթէ կամենայի թէկուզ ուր-